

土官底簿

卷之四
四
三
二
一

上
下
左
右

詳校官編修_臣曹振鏞

編修_臣程嘉謨覆勘

覆校官中書臣宋 鎔

校對官原任典簿臣郭祚熾

膳錄監生臣劉 紳

欽定四庫全書

土官底簿卷下

雲南

永平驛驛丞

李宗本縣馬站戶前元萬戶洪武十六年同土官楊陵等歸附總兵官擬充永平驛驛丞十七年實授故無子嫡長親姪李定備馬赴京進貢告襲永樂三年十二月奉聖旨著他去永平驛做驛丞只不世襲他若李志誠

犯了法度時拏來問別著人做欽此當奏合無著那見
任流官驛丞掌印奉聖旨著流官掌印他封印欽此故
次男李政保送未經覆勘難准宣德九年七月奉聖旨
且准他襲還行文書去覆勘如有虛詐就著總兵官黔
國公孥解來京欽此文選司缺冊內除流官余志斌後
李政故男李昂來襲亦故男李仲高來襲亦故男李鑾
奉例土官年久未曾承襲就彼勘明通呈鎮總撫按免
其赴京就彼襲替相兼流官管理驛事

山井鹽井鹽課司副使

楊堅大理鄧川州浪穹縣民洪武十六年總兵官劄充
本司土官副使十七年實授三十二年裁革調除廣南
府花架驛驛丞未仕丁母憂起復永樂元年仍除山井
鹽井鹽課司副使故正統元年男楊生奏襲叅係伊父
故後十年之上方纔奏襲又不經由上司保勘行勘未報
順盪鹽井鹽課司副使

楊生大理府浪穹縣竈戶洪武十五年歸附總兵官擬

充本司副使十七年實授二十八年被賊殺死男楊星
勇三十一年赴京告襲三十二年襲後布政司起送自
備馬匹赴京進貢查叅不係洪武年間定奪合革去冠
帶三十五年十二月奉聖旨雖查得他每父不係世襲
土官以前歸附時曾用他每既亡故了如今他每的男
不去他冠帶只著他每自來見了定奪欽此楊星勇見
到永樂元年十二月奉聖旨著楊星勇做副使不做世
襲若不守法度時換了欽此十五年為事禁故次男楊

忠伊父係不守法度人數將楊忠引奏發回為民訖續
該保送楊呈勇孫男楊春宣德六年三月十七日奉聖
旨准他做不世襲不守法度時換了欽此故成化四年
十二月長男楊暹奉聖旨做副使還不世襲欽此故男
楊琳故絕姪楊永竄見在聽襲

麗江軍民府知府

本得通州白沙村軍洪武十六年總兵官劄充本府副
千夫長管領土軍十七年實授副千夫長兼千戶故二

十四年總兵官令男木初接缺辦事本年准襲改除麗
江府土官知府三十年改麗江軍民府故男木森襲故
男木欽正統七年在彼襲職病嫡長男木泰應襲成化
二十三年九月奉聖旨是欽此故弘治十六年嫡長男
木定相應承襲其該納稻穀照見行事例施行故男木
公奉例就彼承襲奉聖旨是木定准襲土官知府欽此

本府照磨

木目本府知府木初次男征進麓川有功正統六年靖

遠伯王驥陞授前職老疾男木他赴部替職為無官結
景泰三年七月奉聖旨既是土官准他襲仍催三司當
該官吏保結前來如有虛詐不饒欽此故男木直刺故
絕文選司缺冊內查得成化十二年九月二十四日除
流官蕭昇

通安州同知

高清鶴慶府土居越人前元本府義軍萬戶洪武十五
年投附征進有功十六年總兵官擬劄本州同知當年

赴京朝覲十七年二月奉聖旨同知高清與實授欽此
永樂十四年目疾十五年男高才奉太宗皇帝聖旨准
他替欽此故男高生患病未襲正統七年男高生赴靖
遠伯處照例襲職故男高長為無官結景泰三年七月
奉聖旨既是土官准他襲仍催三司當該官吏保結前
來如有虛詐不饒欽此故成化二年四月會奏長男高
祿准令就被冠帶承襲故嫡長男高壽弘治九年閏三
月奉聖旨准他襲欽此故嘉靖十三年會奏男高鵬承

襲看得父祖授官承襲俱不曾開有世襲字樣奉聖旨
准他做還世襲欽此

石門關巡檢司巡檢

阿吉麗江府通安州軍籍洪武十六年歸附總兵官擬
任和場巡檢十七年實授石門關巡檢故男阿俗脩馬
赴京進貢告襲洪熙元年十一月奉聖旨著他做巡檢
還不世襲不守法度時換了欽此故男阿牙襲職為無
官結景泰三年七月奉聖旨准襲巡檢仍催三司當該

官吏保結前來如有虛詐不饒欽此故男阿恕成化十六年奏襲部查年久三司不行會奏行勘未報文選司缺冊內查得成化九年除流官李雋

巨津州同知

阿戟本州人洪武十六年總兵官擬充本州同知十七年實授故次男阿容目永樂二十二年五月奉令旨照欽依例著他做只不世襲不守法度時換了欽此

蘭州知州

羅克本州民洪武十六年拜見總兵官擬任本州知州
十七年實授患病長男羅牙永樂七年五月二十七日
奉令旨准他替職還行文書去等有流官到任著他來
見敬此故正統七年男羅熙總督尚書處冠帶故成化
十七年第三男羅文志准行令就彼冠帶故男羅世爵
任故絕堂弟羅世祿承襲間亦故男羅福堅見今告襲

寶山州知州

和耐本州人前元任本州知州洪武十五年本州係邊

境西番俱係生拗麼些蠻如他出官勸人民認納糧差
本府前故土官知府木得委充火頭三十二年見任土
官知府木森舉保襲任知州西平侯暫令管事後准任
知州患病男阿日赴京朝賀永樂四年正月奉聖旨先
著他替做知州還去照勘他父病的緣故欽此

騰衝驛驛丞

李仲和金齒司諸葛營土人洪武三十三年編作土軍
選充龍川江百夫長管賽下總甲永樂五年欽除前職

給與冠帶印記回還年老男李壽齡永樂十六年欽准
襲職洪熙元年復姓楊壽齡景泰元年靖遠伯奏准將
姪楊銳替職故嫡男楊洪告督查無楊洪告襲原行欲
將本人發回覆勘為照騰衝地方極邊題准將楊洪暫
襲職事冠帶回還不許到任管事行三司會奏覆勘是
實成化三年題准行令楊洪就彼到任管事故男楊鄉
眼疾未襲亦故男楊瑞見在聽襲

元江軍民府知府